

Minister Dr. Richard Visser a firma cu Capriles Kliniek di Corsou

Acuerdo pa ayudo psiquiatrico den cuidu di adiccion



MINISTER di Salubridad Publico y Deporte, Dr. Richard Visser y Waldi Oostburg di Capriles Kliniek na Corsou y Sra. Ottespeer di Fundacion pa Maneho di Adiccion di Aruba, a firma un acuerdo di trabou riba e tereno di ayudo psiquiatrico den e cuidu di adiccion

na Aruba. Esaki ya tabata algo cu e comunidad di Aruba tabata boga p'e, pasobra un instancia asina den hopi caso ta e unico ayudo cu e famia tin mester pa yuda nan sernan kerí. E bon noticia ta cu Capriles Kliniek di Corsou y F.M.M.A. ta bay coopera cu otro y ta bay sondea

e posibilidad pa manda e clientenan Corsou, pa interna nan eyden, esta na Capriles Kliniek. Esaki sigur ta di gran alivio, ya cu e ta trata di un lugha hopi mas cerca di cas, specialmente p'e famianan cu ta desea pa tin conexion cu nan sernan kerí. Esaki ta un otro paso den mehoracion

di nos cuidu en general y bienestar di salud, unda cu Minister Dr. Richard Visser a logra firma un acuerdo hopi importante pa comunidad di Aruba.

E proceso a yega asina leu, cu porfin a cuminsa cu e firmamento nan necesario pa Aruba tin un ayudo psiquiatrico den cuidu di adiccion. Prome cu esey a tuma lugha, tabatin varios intercambio di pensamento entre e director di Dr. Horacio Oduber Hospitaal, dr. Falconi, e psiquiatranan di PAAZ y Capriles Kliniek hunto cu F.M.M.A. Mes- ter bisa cu e intercambio aki a bay hopi bon mes y a haci bon palabracion pa den futuro traha

hunto den e cuidu di adiccion, cu ta un bienestar general pa henter un pais. E atencion pa e seccion di psiquiatria, specialmente cuidu di adiccion na Aruba, ta hayando atencion debido di parti di Minister Dr. Richard Visser, encarga cu Salubridad Publico y Deporte. En berdad esaki ta un seccion cu ta exige hopi estudio y investigacion y e trato mester ta uno riba nivel hopi profesional y structural. Pa hopi tempo caba Minister Visser ta reuni intensivamente cu diferente instancia profesional, relaciona cu e proceduranan y pa promove mas y miho mane- ho pa por duna e resultado cu comunidad di Aruba ta desea.